

庚申  
對紀  
事錄





叢書集成


初編

主編者  
王雲五

商務印書館發行



庚申紀事



3 0646 5967 9

張 濂 權

本館叢書集成初編  
所選借月山房彙鈔  
及澤古齋重鈔皆收  
有此書借月本在前  
故據以排印

# 庚申紀事

庚申七月既望庚寅諸臺省聞內醫言神宗病不食且半月東宮未得省見走謁閣臣方廷西御東亮  
斗曰公何不率百官問安曰帝諱疾卽問安左右不敢傳給事楊漣曰昔文潞公問宋神宗疾內醫不肯  
言潞公曰天子起居汝曹不令宰相知將無有他志下中書省行法公誠日三問不必見亦不必帝知第  
令宮中人知有廷臣在耳公更當宿閣中曰無故事曰潞公不訶史志聽此何時尙問故事耶給事魏應  
嘉御史倪應春皆曰然壬辰會九卿臺省入思善門久之司禮監傳命且退甲午帝御榻整冠被衽召見  
閣部大臣稽首祝萬福吏部尙書周嘉謨以補大僚臺省請帝曰待朕小愈兵部尙書黃嘉善以邊事請  
帝倦不答諸臣遂出日旰光宗尙踟躕宮門外漣光斗使人語東宮伴讀者帝病力不召太子非帝意薄  
暮可還宮遲明力請入侍嘗藥視膳向後夜無輟出丙申神宗崩遺詔內閣同司禮監輔太子丁酉光宗  
視含殮畢以內帑百萬犒遼士卒戊戌以百萬犒九邊己亥撤摧稅中官盡罷天下商稅下諸奏如流給  
諫中有要閣臣會極門者曰大行皇帝久不覽奏以令旨行未見其便下者封還未下者屬司禮留中庶  
幾先帝正終新帝正始御史張潑曰諸奏皆朝臣宿昔之願如饑食渴飲留中兩言天下方顛恐而患之  
何得自我輩且旨奉父命繼述大孝也何不可之有關臣語司禮司禮曰官家閱章奏恆至夜分某等

何敢留。是時聞鄭貴妃曲謹事帝，能食其意。知李選侍房燕尤寵，爲請封后以結驢。選侍亦爲鄭請封太后。楊漣趨語禮部侍郎孫如游曰：「皇長子非李所愛，李若后嫡矣。他日將若何？」大行皇帝愛長孫，亟白輔臣。於遺詔首舉冊立登極。後三日，卽援詔請耳。壬寅，召輔臣問軍事。銳意剿除，朕不惜費。計安封疆，卿獨相良苦。可令吏部更推六七人。癸卯，發五千金充運餉，無煩郵傳。丙午，光宗卽位。諸臣覩天顏和而莊，舉手加額相慶。閣臣密請下神宗所用史沈二相。帝命更舉。戊申，禮臣請立皇太子。己酉，聞帝小不豫。庚戌，命詠吉建儲。給事范世濟、御史顧造等請兼用內外臣入閣。無專屬詞林。不報。辛亥，禮臣請三六九常朝。從之。諭閣臣封鄭貴妃爲皇太后。閣臣以示禮。臣孫如游卽日請收回成命。壬子，帝欲疾愈，如期視朝。貴妃以崔文昇屬李選侍進藥，帝苦暴下，日夕數十。憊矣。癸丑，謫給事周朝瑞。以論金花銀宜還太倉助餉也。朝瑞疏侵中官，故崔文昇、李進忠、劉遜等摘疏中發帑不見恩語，激帝怒，將繫而杖之。璫王安叩頭請，始薄謫云。甲寅，帝不視朝。乙卯，有旨緩建儲期。朝衆愕然。丙辰，閣臣禮臣再請。丁巳，帝視朝，有悴容。戊午，旨封李選侍皇貴妃。召見閣臣。六部吏科河南道御史謂朕虛甚，欲常朝不能。所奏當行事，無不允。閣臣以建儲期請。嘉謨以復周朝瑞官請。帝首肯。是日，欽天監擇九月九日立皇太子。報可。嘉謨疏復朝瑞官，不報。己未，司業李騰芳語楊漣戚畹郭家振、王天瑞言貴妃進文衣之媵若而人，又以其傅婢探刺微密。崔文昇藥，故也。非誤也。皇長子每私泣，父皇體力健，何遽至此。鄭李謀得照管皇長子，包藏禍心。漣曰：「宜率百官訟言於朝以折之。」庚申，議神宗謚。給事魏應嘉以恭請。未盡厥美，乃改謚漣。光斗會諸大臣

言鄭貴妃當移宮。故其夜復趣封鄭。辛酉。上神宗臨畢。嘉謨集勳戚文武大臣詰數貴妃姪養性曰。先朝不早定國本。歸罪若姑。乘至盛而不返。衆譴未息。若宜代若姑固辭封。何久處乾清宮。進寶玉美女。萌非常之念。規求無度。侵欲無厭。事發相重。鄭氏無唯類矣。養性掩然無聲。若褫魄而退。諸大臣同閣臣具疏。乞揀愿謹內臣。奉皇長子居慈慶宮。帝一意靜攝。而閣臣有謂宮中事非外臣得與聞。漣抗言曰。昔賢調和兩宮。非耶。皇長子無母。上慎疾不遑暇。舍閣臣孰任。又謂以移宮爲離間。漣曰。帝操心慮患。爲日多矣。識公等意必無疑。鄭陪僕更相盼伺。揣知衆心成城。卽移慈寧宮去。封后旨猶未還也。壬戌。召太醫院官同閣部吏科河南道入。帝曰。朕日食無一盂粥。申旦不寐。奈何。諸臣不勝其恐矣。癸亥。給事李若珪疏選侍先聖母封非禮。甲子。諸臣再朝。帝諭以目眩體弱。而吏部推閣臣詞林五人。外臣三人。獨用何宗彥。劉一煒。韓爌三人。乙丑。漣疏極論崔文昇妄用藥罪。醫家有餘者泄。不足者補。上日日萬幾。兢兢在疚。精神無不越渫。而反投相伐之劑。遂令聖躬轉劇。復煽播黨與抗言。上爲侍御盡惑。不慎容止。將以自蓋奸慝。旣益上疾。又損上名。罪不容死。懇檢問收攝。解道路紛紛之口。其封鄭貴妃一事。尤乖典常。尊以嫡母。如大行皇后何。尊以生母。如本生皇太后何。敕處別宮。必先奏聞。然後來朝。上曠然包荒。嘉與維新。以嚴名分。杜僭踰。對天下之望。丁卯。特召見兵科及閣部大臣。而宣錦衣官校。衆以漣兵科爲之危。或求閣臣爲解。閣臣謂漣庭詰當引咎。漣曰。自分穴胸糜骨。必對如初。諸大臣入。一煒。爌稱名謝。諭以爲朕盡心分憂。注視久之。因言朕舊年七月失調。今年五月方痊。卽位後。罔敢暇豫。病發寢尋。體久不平。詞意藹然。今上

侍側目諸臣而手指之。渠事已妥。服事人俱有定。已召皇四子出見。禮臣白封選侍事。帝曰。是事朕有年。頗小心耳。方從哲請皇長子移宮期。帝曰。朕不忍離。科臣亦有言。嘉謨曰。皇長子時侍側。爲是宮。可無移。一爆請帝輔醫藥。厚自持。帝曰。藥無功。却十餘日不進。嘉謨曰。藥猶第二義。惟清心寡慾。則勿藥有喜。帝曰。宮中無他事。因目上哥兒說一說。上曰。宮中無他事。先生示外人無聽流言。蓋漣前疏中所云。聖躬違和之由。因特召以詔諸臣耳。少選。逐文昇。并停后封矣。辛未再召見。帝聲容如故。甲戌召見。則云。朕疾似不可爲。目開臣國家事。三卿盡心。目部院卿等與朕分憂。輔皇長子要緊。必輔爲堯舜之君。復目屬臺省者。再。又目上哥兒說一說。上曰。先生勞苦。聽父皇言。帝問壽宮事。意殊黯然。諸臣哽咽。莫能仰視。帷中小豎出。附上耳語。上搖首。而一朱衣婦從帝前挾上入。咕囁久之。上踉蹌出。厲聲曰。父皇要封皇后。諸臣以爲語急。孫如游曰。帝欲封李選侍爲皇貴妃。臣等卽具儀聞。帝漫應曰。爾復手指上輔。此爲要緊者。再開臣從哲言。鴻臚丞李可灼有仙丹可服。帝曰。果仙丹進來。是日三見。賜諸臣酒食金幣。君臣父子。情指繾綣。一爆語嘉謨曰。帝顧念大臣不已。若不欲委身婦寺者。邀福於天。爲萬年明天子。彼朱衣人何無忌憚。若是各雪涕而出。九月朔乙亥。城頭鼓。統統五更。亟召諸臣。比至。登假矣。大臣或議以上託選侍。漣奮曰。天子豈可託婦人。選侍無德於儲君。有怨於聖母。日者帝前強上入。復強出。豈相放哉。大行皇帝踐祚五日而病。病十五日而棘。不一月而崩。卽天命有數。乃其故談之令人憤。不共戴天。李鄭連體。蘭形棘心。姦究輻輳。授太阿柄。養虎遺患。我輩無事新主之日。亟請見皇長子。見卽呼萬歲。導駕出宮。嘉謨曰。是已開



臣至亦憂上無託。漣曰：三公在，更問誰託。大行皇帝業已託孤，言猶在耳，棄之若何。一燭深然之，趨入乾清宮，闈人持梃不令入。漣攘臂大詬，皇帝召我等，今已晏駕，皇長子少，起居未知安否，汝曹不容諸臣入，意何爲者。闈人卻得入，慟哭已，請上出。三四而後可。諸臣呼萬歲，上言不敢當者三。諸臣請六日登極，因封選侍，上不應。從哲言社稷爲重，登極不可緩。上曰：具儀以聞。因請出乾清宮。中官王安擁上一，燭奉左手。英國公張惟賢奉右手。諸臣前後導從及闈，內豎大呼拉小主何往。主小懼人，有攬衣欲奪上入者。漣格而訶之。殿下我主，千官萬姓，四海九州皆臣子，復懼何人。刀鋸之餘，誰宜殿下回宮者。囚至宮門西向坐。大臣各稽首請登輿。至文華殿，仍西向。諸臣拜殿內，奉入慈慶宮。謁孝端皇后几筵，一燭奏乾清宮未掃除。殿下暫憩此。嘉謨奏曰：殿下之身，天地神人所託重，往乾清宮視大小殮與朝暮奠，必臣等至方啓行。上首肯。或有指中官中某某可任者。漣曰：大行皇帝已選擇而使，若曹受兩朝恩，瞻察上飲食動定，蹕游徼，其不恭命。國有常刑，又有議封選侍者。漣曰：范文正不欲仁宗從劉后命封楊太妃，選侍無楊撫養恩，封無謂也。又以登極當速，或初三日，或卽日者。漣與顧造、范世濟爲闈臣，言宮鄰昭泰內無嫡庶之嫌，父死之謂何。含殮未畢，而袞冕臨朝，非禮也。諸臣謂正位則事定而人心安。漣曰：安與不安，不在卽位。早暮植遺腹，朝委裘，安自如耳。語次，光斗至曰：事幾之會，間不容髮，失今日期，脫未安，汝安辭死。漣色然而駭。已朝，臣畢至。嘉謨再屬中官入奏。臣民願卽位，搖搖恐夕不至朝。上頷之。徐曰：日已晏，父皇未殮，宜觀日。而漣屬錦衣駱思恭簡諸緹騎周廬嚴警。張問達屬中官自乳媪外，無容少年女子入宮巡視。京營

給事李若珪增設禁門衛。陳利兵而誰何。漣因與光斗謁嘉謨。極言選侍不可與皇長子同宮。議合。丙子。厭且哭臨畢。嘉謨與諸大臣公疏。光斗專疏請。而光斗疏有唐武氏語。李進忠等從。與選侍。母子同宮。爲正。并言諸文書必我看方可發。迨迫從慈慶宮內使。將以武氏語罪光斗。戊寅。李進忠等遇漣於麟趾門。曰。娘娘惱甚。漣疾言曰。娘娘爲誰。前在乾清宮。是皇長子。今在慈慶宮。是皇帝。雖鄭貴妃生死唯命。選侍何人。言何以出闕外。皇帝十六歲。非可玩弄股掌之上。乾清宮非彼所得住。不移。汝曹死無處所。衆語塞。而給事中惠世揚及張潑云。選侍欲臨朝稱制。及罪光斗事。共議公疏以爭。未果。及夜。李進忠逃矣。己卯。漣聞移宮在初九十三。亟語從哲趣之。從哲曰。移何必明日。漣曰。昨以皇長子就太子宮爲是。旣爲天子。天子避宮人理乎。雖聖母居坤寧。太后居慈寧。選侍何人居天子宮。諸璫雜沓往來。或言選侍亦大行皇帝。願命中人。漣斥之曰。諸臣受顧命。當先顧其子。寧先顧侍媵。庶民家婢。侍主人疾。主人死。子入正房。婢自應遷尊卑大小。無得混淆。汝曹如食李鄭家食。須殺我輩則已。一爆。嘉謨助漣言。聲色俱厲。漣復具疏云。選侍外託保護之名。陰懷專擅之實。旣奉旨移宮。假擇吉遲留。明日上登大寶。無偏處東宮理。夫皇祖與先帝伯叔兄弟。禮必稱臣。兩宮聖母。若在禮必稱皇帝。選侍非母。敢曰我貴妃。我哥兒。臣民噤齟。天子居正宮。宮媵可悍然抗旨而據之乎。選思回慮。恪遵天語。立入一號殿。守己安分。可無後患。鄭貴妃亦以保護先帝爲名。不離乾清。天啟聖聰。尋卽遣徙。而病體所由沉篤。中外痛心疾首。移宮事。臣等言在今日。陛下行在今日。關部大臣贊決亦惟今日。無負先帝顧命。言甚剴至。疏未入。而李知不可奪。移一號殿。劉

遜、劉朝、姚進忠等以盜逮矣。其夜大雷雨。庚辰、昧爽開霽。望氣者言：日初出，有祥雲糾縵。云：上天姿玉裕。音如金石，無不喜色相告也。已案進忠等如律，而進忠等匿選侍貲，行媚於內，施賂於外，飛語爲惡言。選侍雉經。皇八妹入井。冀復封選侍，則諸罪當萬坐者，可未減。御史賈繼春爲揭上。三閣臣不知移宮後。上緣先帝雅意，存問選侍不輟。及熾鸞宮火，賜勞有加。光斗疏請明示避宮原委。上因諭閣臣：悉數選侍陵聖母諸狀，以先帝故加禮。以聖母故罷封。播告中外，而好事者猶不信。謂諭出諸璫手。繼春與給事朝瑞相駁。遂舉雉經入井爲實。漣於是疏始末之詳，更請於選侍酌加恩數。上優詔答曰：覽奏極正極公，極切極真。甚愜朕意。宜宣布中外，以釋羣疑。漣當日竭力憤爭，忠直可嘉。所奏諭安加恩，朕知之矣。山中人曰：傷哉！庚申之秋也。未三月而歷三朝。牝雞之晨，家得無索。則二三君子是賴。亦宗廟神靈陰隲之耳。定陵御天下四十八年。本朝未有宿素衰落新進談及萬曆初事，往往失真。雜以橫議漂說。他日修史，將焉取衷。夫三月非遠，搢紳大夫在位耳。而目之白著矣。而螻蛄之聲，遠山十里，尙有之。何論萬曆初哉。



召 對 錄

申 時 行 輯

本館據寶顏堂秘  
笈本排印初編各  
叢書僅有此本

## 召對錄序

隆古聖哲。都俞一堂。龍雲類從。魚水交契。故能翼宣至理。躋世熙平。詩書之文可攷也。漢唐以降。此道寢微。然而英誼側席。忠賢遇巷。宣室召問。柏梁和歌。延英之奏。御有呈。崇政之議。事不輟。垂之史冊。並爲美談。本朝自二祖開基。宣廟嗣統。法宮便殿。燕見非時。內閣平臺。幸御不絕。自後亦復寥寥矣。秦陵銳意。修復。無何而龍馭上賓。永陵取法同遊。未幾而朝儀併廢。堂廉迥隔。晝日闕疏。漑釜列餼。睽隔已甚。昔以爲成規。今以爲曠典。故廬陵有論對之錄。長沙有交泰之編。永嘉任丘。別有私紀。學士大夫。時或稱而道之。臣忝非據。渥荷上恩。九年之中。對郊壇。對山陵。感思殿。對渾河。對毓德宮者。各一對。朝門御幄者。三大抵。敬天勤民。定元良。容直諫。飭邊備。諸政事。史官記注。起居。貯之東閣。會三殿災。皆燬于火。臣曩從閣中。錄得數條。藏之家語云。主上明聖而德不布聞。有司之過也。臣爲此懼。乃倣光正遺意。輯而存之。爲召對錄。以示子孫。使世世瞻戴頌述。無替墜焉。

大學士臣申時行謹書

## 召對錄

萬曆十三年五月十七日戊午昧爽上親御布素自武英殿步皇極門御暖閣三輔臣侍太常寺請詣郊壇致祭上徒步出大明門三輔臣隨行百官皆前導上數目輔臣使近前至南郊上躬禱畢出御幄次召輔臣及九卿諭曰天時亢旱雖由朕之不德亦因天下有司官貪賊壞法剝害小民不肯愛養百姓以致上干天和今後還着該部加慎選用臣時行對曰皇上爲民祈禱不憚勤勞一念精誠天心必然感格其屢禱未應皆臣等奉職無狀所致今天下有司官果然不能仰體皇上德意着實奉行臣等當卽與該部商量申飭上曰還着都察院行文與他每知道務令着實奉行毋事虛文時行對曰今後如有不着實奉行虛文塞責者容臣等請皇上重法懲治上曰先生每說的是時行又奏言皇上敬天勤民真切懇至臣等不勝仰戴但聖體勤勞宜倍加調攝上曰知道了將還近侍請進法駕上遽麾却復步至皇極門御座時行等叩頭云皇上步行禱雨禮成回宮臣等不勝欣戴上答曰先生每辛苦時行等對云聖體勤勞臣等分當奔走因叩頭謝

萬曆十三年五月十九日上視朝畢退御暖閣召輔臣時行等至前牘授時行曰這是陝西巡按御史董子行奏本先生每看時行受牘且披且奏曰臣昨日接得董御史揭帖曾略節看過其一說撫鎮官當親自巡歷地方巡撫一年一次總兵一年兩次其二說巡撫當久任責成其三時行方檢疏中條件未

及言。上曰：是說方而官。時行曰：是說邊方兵備官。宜加優異。其四是說沿邊同知通判等官。宜慎選用。破格遷除。其所言多是。上曰：然。邊務重大。各撫鎮官不親歷地方。專委那小官下人。多不用心整理。豈不誤事。時行曰：聖鑒允當。邊事全賴總兵巡撫整理。若每年巡歷地方。則凡險要修與不修。兵馬齊整與不齊整。都身親目擊。下吏不敢躲閃欺蔽。自能盡心整理。上曰：然。必須親到地方。看某處該修守。某處該設備纜好。專靠下人查看不得。時行對言巡撫遷轉。昨蒙皇上以方弘靜任淺。不准推陞。臣等深服聖斷。着令久任。最是。蓋在任年久。不惟其才猷得以展布。便是地方百姓也得相安。上曰：然。卽有年久的寧可加俸加銜。不可輕易更動。這本先生每將去看來。時行等叩頭謝曰：皇上留心政務。臣等不勝欣戴。但臣等愚闇。不能仰贊聖明萬一。尤不勝愧悚。上曰：今後有政事。再與先生每商量。時行等復叩頭出閣。臣召對之典。自孝廟而後。久廢不舉。是日朝罷。百官俱北向立候。上還宮。忽就暖閣召三臣。卽三臣亦不知所以。比奉對出。百官聞狀。無不喜色相慶。謂復見孝廟時盛事。翕然有太平之望矣。

萬曆十三年閏九月初九日。上閱壽宮畢。還感思殿。輔臣時行等迎于道傍。上于馬上回頭四臣。命司禮監太監張誠召入殿門。有頃。上御東室。召四臣入。旣叩頭。上面諭曰：朕親閱壽宮禮成。卿等扈從勤勞。卿元輔特賜玉帶一條。羅衣一襲。次輔國玉帶一條。羅衣一襲。次輔錫爵羅衣一襲。次輔家屏口衣一襲。以酬卿等之勞。時行等奏壽宮吉壤。斷自聖裁。臣等奔走無功。乃蒙皇上非常特賜。臣等不勝感戴。天恩之至。因叩頭謝。上復諭云：定國公文璧彰武伯炳。各扈從有勞。人每賜玉帶一條。羅衣一襲。以酬



之。卿等傳示。時行對云。臣等容卽傳示。叩頭出。及門。上遽命中使止之。仍召入東室。上以部院諸疏授時行等諭曰。朕看閱壽宮。自有主張。他每原不知風水。如何紛紛來說。時行等對云。大谷山原係吉壤。皇上聰明。天縱一經。聖覽自有定裁。但皇上此行。上自兩宮聖母。下至六軍萬姓。無不願皇上亟賜裁定。近因人言。恐聖心有疑惑。所以九卿諸臣有此陳奏。上曰。且待朕看定。如何這等忙迫。是甚麼意思。時行對云。諸臣之意。不過欲仰聖裁。亦無他也。上意未釋。復以御史柯挺疏授時行曰。柯挺初說要向簡山。如何又不說了。着他回將話來。時行對云。柯挺初時原有此議。因張邦垣說己亥于景命相妨。所以不敢固執前說。上復以李植等疏授時行。時行見其疏內有青白頑石語。對云。李植等說青白頑石大不是。大凡石也。麻頑或帶黃黑者。方謂之頑。若其色青白滋潤。便有生氣。不得謂之頑石矣。上曰。李植等原擇三地。二處不堪。其寶山一地。亦可著調外任罷。時行對云。聖裁允當。因請將諸疏持出。票擬進覽。上曰。先生每擬票來朕覽。又諭云。朕明日還京。四臣皆叩頭出。

萬曆十四年三月初六日上視朝畢。退御暖閣。召輔臣時行等入。因出四臣所上疏。手授時行諭云。昨覽卿等所奏。深切時政。着該衙門著實議行。時行等奏前日天氣昏濁。塵霾蔽空。臣等不勝憂懼。仰惟皇上。祇畏天戒。軫恤民艱。勅諭臣等。句句都是敬天憂民之誠。但臣等愚陋。不能仰承德意。偶有一得之愚。煩瀆聖聽。伏蒙皇上嘉納。不勝感激。因叩頭謝。上復諭云。織造燒造。原非得已。既先生每說重的。再減去些。近開水田。人情甚稱不便。既百姓不願。不該強行。時行等奏這水田有說。前者科道官紛紛建

議說京東地方田地荒蕪廢棄可惜。相應開墾。京南常有水患。每大水時至。漂沒民田數多。相應疏通。故有此舉。昨御史既說滹沱河難治。宜且暫停。若開墾荒田。則薊州等處。開成已五六萬畝。不宜遽罷。上復云。南方地下。北方地高。南地濕潤。北地乾燥。且如去歲天旱。井泉都乾竭了。這水田怎能做得。時行等對臣等愚意也。只要開墾荒地。不是要盡開水田。上曰。荒蕪可開。水田不必做。時行等對聖裁。允當。只該相地勢。察人情。不可強民。上曰。先生每將去票來。時行等叩頭欲起。上復云。朕居深宮。外間民情事務。不得周知。還要先生每調停。有該說的不時奏來。時行等對云。臣等幸蒙皇上委託。不敢不盡心盡言。乃退。

萬曆十五年三月十三日上視朝時。聖體初安。百官致詞稱賀畢。上召三輔臣至皇極門。暖閣。時行等奏聖躬萬福。臣等瞻覩天顏。不勝慶忭。上曰。朕偶有微疾。不得出朝。先生每掛心。時行等叩頭謝。上於袖中出二疏。手授時行。乃主事王德新員外顧憲成疏也。先一日發閣擬票。傳旨欲處二臣。時行等皆擬罰俸。上曰。如今用人。那一箇不是朕主張。二主事肆言。却說不是朕獨斷。好生狂妄。時行對云。皇上天縱聰明。乾剛獨運。卽今朝廷政事。各衙門章奏。無一件不經御覽。無一事不出聖裁。司屬小臣。不知妄言。原無損於皇上聖德。上曰。臣下事君。上也有箇道理。他每把朕全不在意。朕非幼冲之時。如何說左右簧鼓。先生每擬的太輕。還改票來。時行奏云。二臣狂妄。罪實難道。但臣等仰見皇上明並日月。量同天地區區小臣。不足以褻雷霆之威。卽論擬及臣等。寧使臣等受誣蒙謗。不必輕動聖怒。上曰。先生每

是朕股肱。與別的不同。須要爲朕任怨。若只要外邊好看。難爲君上。時行對臣等受皇上厚恩。雖犬馬無知。也當圖報。敢不任怨。上曰。他每說話。必有主使之入。着追究出來。時行對建言的。也有幾樣。有忠實的人。出自己見。不知忌諱者。有愚昧的人。不諳事體。道聽塗說者。未必出于主使。語未竟。上曰。還是沽名賣直的多。若不重處。不肯休歇。前有旨各衙門戒諭司屬。通不遵依。也問他。時行等欲再爲申解。上遽云。先生每便將去改票來時。聖躬新愈。未耐久坐。時行等不能畢其說。乃叩頭退。是日初見天顏。開霽。詞旨甚溫。至語及二臣疏。聲色頗厲。而諄諄疊疊。玉音琅然。三輔臣退而歎息。上之聰明英斷如此。

萬曆十五年八月初三日。上御皇極門。視朝畢。退御暖閣。召三輔臣入。上曰。朕見各處奏報災傷。小民不得安生。心甚憂憫。事有關於吏弊。有切於民生的。卿等深思詳議來行。時行等對臣等竊見近日以來。各處奏報災傷。如陝西亢旱。江南大水。江北又有蝗蟲。河南一帶。又被黃河衝決。委的災傷重大。皇上聖德方隆。豈宜有此。這是臣等奉職無狀所致。除臣等痛加修省外。伏望皇上深念邦本。少留聖心。上曰。近來有同官貪墨。不恤百姓。又刑獄多有冤枉。撫按官亦不爲伸理。這都傷害和氣。如今懲貪墨。理冤獄。是第一要緊的事。着該部院行與在外衙門知道。時行對有司爲民父母。若是貪賊壞法。百姓果然不得安生。若民間果有冤抑不得伸雪。委得有傷和氣。聖見高明。深切利弊。民生。臣等不勝仰服。但臣等一得之愚。竊謂今日救荒之政。還有兩件。一是蠲免。一是賑濟。上曰。雖是蠲賑。有司官多侵尅了。

只充自己囊橐。小民不需實惠。時行對有司有不才的。只在上官稽察。朝廷恩澤。自不可已。如錢糧出自由地。田地既荒。百姓沒了喫的。如何又辦得錢糧。就日加筮楚。終不能辦。皇上若施曠蕩之恩。大賜蠲免。人心纔得少安。如今帑藏空虛。經用不足。蠲免固難輕議。然古人有言。百姓足。君孰與不足。目前雖不足用。那百姓還在田土。還在一年耕穫。便可出辦錢糧。民皆皇上之民。財皆皇上之財。何憂匱乏。上曰。災傷須分別輕重。使實惠及民。時行對以災傷之重輕。定蠲恤之分數。此在按臣覈實奏報。該部照例施行。聖見允當。上猶諄諄言有司虛應故事。視詔令如故紙。時行奏皇上有此德意。申令既嚴。有司當不敢違犯。臣等尚有賑濟之說。蓋無田無食之民。蠲免所不及者。若不加賑恤。則餓死道路。趁食他方。強暴之徒。起爲盜賊。上曰。有司刻剝百姓。百姓急了。怎得不做盜賊。時行對爲今之計。須查各處倉庫。見貯銀穀。或散與穀子。或煮與粥喫。亦可救旦夕之命。賑濟也不容已。上曰。先生每到閣。有該行的議擬來行。時行等又奏蠲賑事情。若出自臣下所請。則恩歸於下。惟是皇上獨斷。則思出自上。人心必然感悅。容臣等撰擬手勅。上請聖裁施行。上曰。然。時行等乃叩頭退。

萬曆十六年九月九日。駕幸大峪山。臨閱壽宮。明日。循西山。踰石景。至渾河。有頃。中官飛騎傳詔。趨召臣。時行。臣國。臣錫爵。及定國。公。臣文璧。臨淮侯。臣言恭。見於渾河幄次。時行等叩頭畢。上起觀河流。河水迅急。中流架木爲梁。上指河水。顧時行等曰。此河洶湧如是。聞黃河數決爲民害。當亦同之。時行對曰。此津沱河正流。發源桑乾。從塞上入內地數百里。出琉璃橋。或遇水漲。時有衝決。若黃河則其流更遠。

其勢更大。無論前代。卽本朝亦屢屢潰決。不惟居民受害。每至漕運梗塞。故國家以治河爲第一要務。上曰。經理河務。須在得人。時行對今河臣爲潘季馴。他在河道久。感皇上拔擢之恩。不敢不盡心任事。上曰。好着他用心。時行等叩頭退。因命三輔臣作歌以紀其事云。

萬曆十八年正月朔甲辰免朝賀。上在毓德宮召閣臣。時行等四臣入見於西室。御榻東向。時行等西向。跪致詞云。元旦新春。仰惟皇上萬壽萬福。臣等不勝欣賀。因叩頭。又奏云。臣等久不瞻視天顏。下情不勝企戀。恭候起居萬安。又叩頭。上曰。朕之疾已瘳矣。時行等對云。皇上春秋鼎盛。神氣充盈。但能加意調攝。自然勿藥有喜。不必過慮。上曰。朕昨年爲心肝二經之火。時常舉發。頭目眩暈。胸膈脹滿。近調理稍可。又爲雒於仁這本肆口妄言。觸起朕怒。以致肝火復發。至今未愈。時行等奏聖躬關係甚重。祖宗神靈兩宮聖母。皆憑藉皇上。當倍萬珍護。無知小臣。狂戇輕率。不足以動聖意。上以雒於仁本。手授時行云。先生每看這本說朕酒色財氣。試爲朕評一評。時行方展疏未及對。上遽云。他說朕好酒。誰人不飲酒。若酒後持刀舞劍。非帝王舉動。那是有事。又說朕好色。偏寵貴妃鄭氏。朕只因鄭氏勤勞。朕每至一宮。他必相隨。朝夕間他獨小心侍奉。委的勤勞。如恭妃王氏。他有長子。朕着他調護照管。母子相依。所以不能朝夕侍奉。何嘗有偏。他說朕貪財。因受張鯨賄賂。所以用他。昨年李沂也這等說。朕爲天子。富有四海之內。普天之下。莫非王土。天下之財。皆朕之財。朕若貪張鯨之財。何不抄沒了他。又脫朕尙氣。古云。少時戒之在色。壯時戒勇。戒鬪。勇卽是氣。朕豈不知。但人孰無氣。且如先生每也有僮僕家人。

難道更不責治。如今內侍宮人等。或有觸犯及失悞差使的。也曾杖責。然亦有疾疫死者。如何說都是杖死。先生每將這本去票擬重處。時行等對云。此無知小臣。誤聽道路之言。輕率瀆奏。上曰。他還是出位沾名。時行等對云。他既沾名。皇上若重處之。適成其名。反損皇上聖德。惟寬容不校。乃見聖德之盛。時行以其疏繳置御前。上沈吟答云。這也說得是。到不是損了朕德。却損了朕度。時行等對皇上聖度。如天地一般。何所不容。上復取其疏再授時行。使詳閱之。室中微聞。認字難真。時行稍閱大意。上連語云。朕氣他不過。必須重處。時行云。此本原是輕信訛傳。若將此本票擬處分。傳之四方。反當做實話了。臣等前見疏久留中。在閣中私相頌歎。以爲聖度寬容。超越千古。臣等愚見。謂照舊留中爲是。容臣等載之史書。傳之萬世。使萬世稱皇上是堯舜之君。此乃盛事。復以其疏返御前。上復云。如何設法處他。只是氣他不過。時行等云。此本既不可發出。亦無他法之。還望皇上寬宥。容臣等傳語該寺堂官。使之去任可也。上首肯。天顏稍和。因云。先生每是親近之臣。朕有舉動。先生每還知道些。那有是事。時行等對云。九重深邃。宮闈祕密。臣等也不能詳知。何況疎遠小臣。只是輕信訛言。不足計較。上曰。人臣事君。該知道理。如今沒箇尊卑。陛下信口胡說。先年御史有箇黨傑。也曾數落我。我也容了。如今雒于仁就和他一般。因是不曾懲創。所以又來說。時行等對云。人臣進言。固是忠君愛國。然須從容和婉。如臣等常時不敢輕瀆。惟事體有不得不言者。纔敢陳奏。臣等豈敢不與皇上同心。這小臣臣等亦豈敢回護。只是以聖德聖躬爲重。上曰。先生每尙知尊卑上下。他每小臣常這等放肆。近來只見議論紛紛。以正

爲邪以邪爲正。一本論的還未及覽。又有一本辯的。使朕應接不暇。朕如今張燈後。看字不甚分明。如何能一一遍覽這等的。殊不成箇朝綱。先生每爲朕股肱。也要做箇主張。時行等對云。臣等荷蒙皇上。任使才薄望輕。不能鎮壓人情。以致章奏紛紜。煩瀆聖聽。臣等有罪。但臣等因鑒前人覆轍。一應事體。上則稟皇上之獨斷。下則付外廷之公論。所以不敢擅自主張。上曰。不然。朕就是心。先生每是股肱。心非股肱。安能運動。朕既委任先生。每有何畏避。還要替朕主張。任勞任怨。不要推諉。時行等因叩頭謝云。蒙皇上以股肱腹心優待臣等。犬馬猶知報主。況臣等受皇上高厚之恩。敢不盡心圖報。任勞任怨。四字。臣等當書之座右。朝夕服膺。語畢。時行復進云。皇上近來亦進藥否。上曰。朕日每進藥二次。時行等云。皇上須慎重揀選良藥。上曰。醫書朕也常看。脉理朕都知道。時行等又云。皇上宜以保養聖躬爲重。清心寡欲。戒怒平情。聖體自然康豫矣。時行等又奏云。臣等久不瞻覩天顏。雖有芻蕘之見。不能一一陳。今日幸蒙宣召。臣等敢不傾吐。近來皇上朝講稀疎。外廷日切懸望。今聖體常欲靜攝。臣等亦不敢數數煩勞起居。但一月之間。或二三次。或三四次。間一臨朝。亦足以慰羣情之瞻仰。上曰。朕疾愈。豈不欲出。卽如祖宗廟祀大典。也要親行。聖母生身大恩。也要時常定省。只是腰痛脚軟。行立不便。時行等又云。冊立東宮。係宗社大計。伏望皇上蚤賜裁定。上曰。朕知之。朕無嫡子。長幼自有定序。鄭妃亦再三陳請。恐外間有疑。但長子猶弱。欲俟其壯健。使出就外。纔放心。時行等又云。皇長子年已九齡。蒙養豫教。正在今日。宜令出閣讀書。上曰。人資性不同。或生而知之。或學而知之。或困而知之。也要生來自

然聰明安能一一教訓。時行等對云：資稟賦於天，學問成於人，雖有容哲之資，未有不教而能有成者。語云：少成若天性，習慣如自然。須及時豫教，乃能成德。上曰：朕已知之。先生每回闕去罷，各賜酒飯一桌，燒割一分。時行等叩頭謝，遂出行。去宮門數十丈許，上復令司禮內臣追止之。云：且少候。上已令人宣長哥來，着先生每一見。時行等復還至宮門，向上跪良久。上令內臣覘視，申閣老等聞召長哥亦喜。否。時行等語內臣云：我等得見容容，便如觀景星慶雲，真是不勝之喜。內臣入奏，上微哂領之。有頃，上命司禮監二太監謂時行等可喚張鯨來。先生每責訓他。時行等云：張鯨乃左右近臣，皇上既已責訓，何須臣等。司禮監入奏，上復令傳諭云：此朕命不可不遵。有頃，張鯨至，向上跪。時行等傳上意云：爾受上厚恩，宜盡心圖報，奉公守法。鯨自稱以多言得罪。時行等云：臣事君猶子事父，子不可不孝，臣不可不忠。鯨呼萬歲者三，乃退。司禮入言上，上曰：這纔是不辱君命。久之，司禮太監傳言皇長子至矣。皇三子亦至，但不能離乳保，遂復引入西室。至御榻前，則皇長子在榻右，上手携之，皇三子旁立，一乳母擁其後。時行等既見，因賀上云：皇長子龍資龍目，岐嶷非凡。仰見皇上昌後之仁，齊天之福，上欣然曰：此祖宗德澤，聖母恩庇，朕何敢當。時行等奏皇長子春秋漸長，正當讀書進學。上曰：已令內侍授書誦讀矣。時行云：皇上正位東宮，時方六齡，卽已讀書。皇長子讀書已晚矣。上曰：朕五歲卽能讀書，復指皇三子。是兒亦五歲，尙不能離乳母，且數病。時行等稍前熟視皇長子，上手引皇長子向明正立。時行等注視良久，因奏云：皇上有此美玉，何不早加琢磨，使之成器。願皇上早定大計，宗社幸甚。乃叩頭出。是日



時行等以傳免朝賀。特詣會極門行禮。忽聞宣召。急趨而入。歷禁門數重。乃至毓德宮。從來關臣召見。未有得至此者。且天語諄復。聖容和粹。藹然如家人父子。累朝以來所未有也。

萬曆十八年七月二十六日乙丑。上御門視事畢。召關臣時行。臣國臣家屏見於皇極門暖閣。上出陝西巡撫趙可懷奏報虜情本。手授時行。且曰。朕近覽陝西督撫梅友松等所奏。說虜王引兵過河。侵犯內地。這事情是如何。時行等對近日洮州失事。殺將損軍。臣等正切憂慮。伏蒙聖問。臣等敢以略節具陳。洮外邊外。都是番族。番族有兩樣。中茶納馬的是熟番。其餘的是生番。先年虜騎不到。只是防備番賊。所以武備單弱。倉猝不能堵遏。如今虜王過河。是被火落赤勾引。多爲搶番。又恐中國救護他。故聲言內犯。然虜情狡詐。不可不防。上曰。番人也是朕之赤子。番人地方。都是祖宗開拓的封疆。督撫官奉有勅書。受朝廷委託。平日所幹何事。旣不能預先整理防範。到虜曾過河侵犯。纔來奏報。可見邊備廢弛。皇祖時。各邊失事。督撫官都拿來重處。朝廷自有法度。時行等對皇上責備督撫。以不能修舉邊務。仰見聖明英斷。邊臣亦當心服。如今正要責成他。着他選將練兵。及時整理。上曰。近時督撫等官。平日把將官輕賤凌虐。牽制掣肘。不得展布。有事却纔用他。且如各邊但有些功勞。督撫官有陞有賞。都認做自己的功。及至失事。便推與將官。及些小武官。虛文搪塞。時行等對各邊文武將吏。各有職掌。功罪須要覈實。如總督巡撫。只是督率調度。若臨戰陣。定用武官。武官自總兵以下。有副總兵。有參將。遊擊守備。各分信地。如有失事。自當論罪。上曰。古時文臣如杜預。身不跨鞍。射不穿札。諸葛亮綸巾羽扇。都能

將兵立功。何必定是武臣。時行等對此兩人都是名臣。古來絕少人才。自是難得。臣等遵奉聖諭。卽當傳與兵部。轉諭督撫諸臣。盡心經理。以紓皇上宵旰之憂。上曰。將官也要揀選好的。必謀勇兼全。曾經戰陣的纔好。時行等對將才難得。如今都是選擇用的。但是款貢以來。邊將經戰陣的也少了。上曰。重賞之下。必有勇夫。要好的也有。只是不善用他。雖有關張之勇。也不濟事。時行等對近日科道官建言要舉推將材。臣等曾對兵部說及。早題覆着九卿科道官會同推舉。上曰。前日有御史薦兩箇將官。時行等對薦的將官。一箇是王化熙。曾提督巡捕。臣等親見他也是中常之才。只宜腹裏總兵。一箇是尹秉衡。先年是箇好將官。如今老了。上曰。這不論他年老。趙元國也是老將。只要有謀略。時行等對將在謀不在勇。聖見高明。非臣等愚昧所及。上又曰。朕在九重之內。邊上事不能悉知。卿等爲朕股肱。宜常爲朕用心分理。如今邊備廢弛。不止陝西。或差有風力的科道。或九卿大臣前去。如軍伍有該補足的。錢糧有該措處的。着一一整頓。商書云。事事有備無患。趁如今收拾還好。往後大壞。愈難收拾了。時行等對當初許虜款貢。原爲內修守備。外示羈縻。只爲人情偷安。日漸廢弛。所以三年閱視。或差科臣。或就差彼處巡按御史。上曰。三年閱視。是常差。如今要特差。時行等對臣等連日正在閣中商議。要推舉大臣一員前去經略。且重其事權。使各邊聲勢聯絡。庶便行事。容臣等撰擬傳帖。恭請聖裁施行。上曰。還擬兩箇來行。已復言款貢事。上稱皇考聖斷者再。時行等言自俺答獻逆求封。賴皇考神謨獨斷。許通款貢。已二十年。各邊保全生靈。何止百萬。上曰。款貢亦不可久恃。宋家之事可鑒。時行等對我朝與

宋事不同。宋時中國弱，夷狄強，原是敵國。今北虜稱臣納款，中國之體自尊，但不可因而忘備耳。上曰：雖是不同，然亦不可媚虜。虜曾心驕意大，豈有蹙足之時？須是自家修整武備，保守封疆。時行等對今日邊事，既不可輕于決戰，又不可專于主撫，只是保守封疆，據險守隘，堅壁清野，使虜不得肆意侵掠。乃是萬全之策。皇上廟謨弘遠，邊臣庶幾有所持循。至于失事有大小，情罪有輕重，若失事本小，而論罪過重，則邊臣觀望退縮，虜曾及得挾以爲重，又非所以激厲人心。目今尤望皇上寬文法，核功罪。上曰：如今失事也不輕了。時行等對賴皇上聖恩，從寬處分。容臣傳示于邊臣，使之感恩圖報。上復問王次輔病安否？何如？時行等對臣錫爵委實有病，屢疏求去，情非得已。上曰：如今有事之時，正宜竭忠贊襄，如何要去？時行等對皇上注念錫爵，具見優厚，輔臣至意，臣等亦知感激，但錫爵連年告病，臣等責以大義，遂不敢固辭。今次病勢果係纏綿，臣等親至其臥內，見其形體羸瘦，神思愁苦，亦不好強留他。上曰：這等着從容調理，痊可卽出供職。時行等唯唯。因叩頭奏臣等半月不覩天顏，今日視事，仰知聖體萬安，不勝欣慰。上曰：朕尙頭眩臂痛，下步不方便，今日特爲邊事，出與卿商議。時行等叩頭奏皇上萬分寶重。上又曰：聞山西五臺一路，多有礦賊嘯聚劫掠，地方官如何隱匿不報？時行等奏近日聞河南嵩縣等處，聚有礦賊，巡撫官督率官軍驅逐，已解散了。上曰：是山西地方五臺山，因釋氏故知之。上恐時行等誤以爲失事也，復曰：釋氏是佛家，曾遣人進香耳。時行等對地方既有盜賊嘯聚，該管官員乃隱匿不報，其罪不止疎玩而已。容臣等傳示兵部，令查明具奏。遂叩頭出。初上切責督撫，聲色俱厲。

及論邊事久。天顏愈和。神采煥發。語聲不絕。時行等退而稱難。上留意邊防。益明習政事如此。宗社生民之福也。

吳邑布衣陳廣日書



編主五雲王

編初成集書叢

種一他其及事紀申庚

中華民國二十五年六月初版

發行人

王雲五  
上海河南路

印刷所

商務印書館  
上海河南路

發行所

商務印書館  
上海及各埠

最



83

14

3965